

Headlines

- केंद्री गृह मंत्री अमित शाह होरें आखेआ जे जम्मू-कश्मीर स्थाई शांति आहली बक्खी बधा'रदा ऐ ते दफा 370 दे हटने मगरा हिंसा च बड़ी मती कमी आई ऐ।
- उपमुख्यमंत्री सुरिंद्र चौधरी होरें जम्मू च चला'रदे नमें असेंबली परिसर दे निर्माण कम्मै दा जायजा लैता।
- केंद्री कनून मंत्रालय नै जम्मू-कश्मीर च प्रौद्योगिकी आधारित कनूनी सेवाएं दी पुज्जत सरबंधी कार्यशाला दा आयोजन कीता।
- मुख् सचिव अटल डुल्ल होरें आपदा प्रभावित परिवारें गी समें उप्पर ते असरदार राहत पजाने दे कम्म च तेजी आहने उप्पर बल दित्ता ऐ।
- मौसम विभाग नै 26 फरवरी तगर जम्मू-कश्मीर च मौसम दे खुशक रौहने दी पेशगोई कीती ऐ।

<><><><><><>

Shah J&K Peace

केंद्री गृह मंत्री अमित शाह होरें अज्ज आखेआ ज जम्मू-कश्मीर बल्लें-बल्लें टिकाउ शांति बक्खी बधा'रदा ऐ ते धारा 370 टुटने मगरा हिंसा दी घटनाएं च कमी आई ऐ। दिल्ली च बड़ी कमी आई ऐ। दिल्ली पुलिस दे 79में स्थापना दिवस दे मौके अपने संबोधन च शाह होरें आखेआ जे देश दे अंदरूनी सुरक्षा परिदृश्य च पिछले 10 ब'रें च बेहतर बदलाव आया ऐ। उनें आखेआ

उनें जोड़ेआ जे जम्मू-कश्मीर च हिंसा सरबंधी घटनाएं च 80 फीसदी दी कमी आई ऐ। सरकार म्हेशां गै राष्ट्री सुरक्षा गी मजबूत करने आस्तै ते जम्मू-कश्मीर च शांति ते विकास पक्का करने आस्तै प्रतिबद्ध ऐ।

<><><><><><>

Dy CM-Inspection

उपमुख्यमंत्री सुरिंद्र चौधरी होरें अज्ज जम्मू च नमें विधानसभा परिसर दे निर्माण कम्म दा जायजा लैता। इस बना'रदी ईमारत दा कम्म पिछले कई बरें थमां रूका दा हा। उनें आखेआ जे निर्माण दा कम्म अगले बरे अक्तूबर तोड़ी पूरा होने दी मेद ऐ। उपमुख्यमंत्री होरें आखेआ

मगरा, उपमुख्यमंत्री होरें कार्यकारी इंजीनियर, पी.एम.जी.एस.वाई जम्मू कार्यालय दा चानचक्क दौरा लाया ते विभाग दे कम्मकाज दी समीक्षा कीती। उनें हाजिरी सरबन्धी हिदायतें दी पालमा लोकें गी कारगर सेवा प्रदान करने पर जोर पाया।

<><><><><><>

Law-Ministry

केंद्री कनून मंत्रालय प्रौद्योगिकी आधारित कनूनी सेवाएं दे राएं न्याय तगर पुज्जत गी होर निगार करने दे यत्नेकं तैहत मंगलवार जम्मू-कश्मीर च इक क्षेत्रीय कार्यशाला दा आयोजन करा'रदा ऐ। मंत्रालय नै अज्ज दस्सेआ जे एहदा उद्देश्य मुख हितधारकें बश्कार जानकारी भरोचे दे बचार-विमर्श गी बढ़ावा देना ऐ। इस कार्यक्रम च दिशा तगर पुज्जत ते अमलआवरी दे प्रमुख बिंदुएं उप्पर बी लोऽ पाई गई। इस कार्यक्रम च केंद्री कनून ते न्याय राज्यमंत्री होर मुख परौहने हे, जेल्ले के जम्मू-कश्मीर ते लद्दाख उच्च न्यायालय दे न्यायाधीश होर आदरजोग परौहने दे तौरा पर कार्यक्रम च शामिल होए।

<><><><><><>

GoC-Kisthwar Visit

व्हाइट नाइट कोर दे जीओसी ते सी.आई.एफ डेल्टा दे जीओसी होरें आतंकवाद बरोधी ग्रिड ते तैनात यूनिटें दी प्रतिक्रिया क्षमता दा आंकलन करने आस्तै किश्तवाड़ क्षेत्र दा दौरा लाया। उनेंगी मौजूदा सुरक्षा स्थिति, सुरक्षा ढांचे गी मजबूत करने ते अंतर एजेंसी तालमेल बारी जानकारी दिती गई।

<><><><><><>

Success Story Udh.

उधमपुर जिले दी सुलगर पंचैत दी सुनीता देवी डेरी क्षेत्र च कम्म करदे होई ना छड़ा महिला सशक्तिकरण ते आत्मनिर्भरता दी शानदार मसाल कायम करा करदियां न, सगुआं होरनें लेई बी प्रेरणा बना करदियां न। दऊं बरे पैहले छड़ी दऊं गवें कन्नै कम्म शुरू करने आहली इस महिला नै हून अपना इक तगड़ा डेरी युनिट बनाई लेदा ऐ। पेश ऐ स्हाड़े जिला संवाददाता दी रिपोर्ट

<><><><><><>

ते हून बाकि दिएं खबरें कन्नै पूनम डोगरा।

CS-Disaster

मुख्य सचिव अटल डुल्लू होरें अज्ज आपदा प्रभावित परिवारें तोड़ी समें सिर राहत पुजाने पर जोर दित्ता। आपदा प्रबंधन, राहत, पुनर्वास ते पुनिर्माण विभाग दी राज्य कार्यकारी कमेटी दी चौथी बैठक दी अध्यक्षता करदे होई उनें एहू गल्ल आक्खी। जम्मू-कश्मीर च आपदा दी मार झेली चुके दे समुदाय दे हालातें पर लौऽ पांदे होई मुख्य सचिव होरें आखेआ जे कुदरती कहर दा शिकार होए दे परिवारें कोल अकसर सरकारी मदद दा गै आसरा हुंदा ऐ। उनें जोर देइयै आखेआ जे इनें लोकें तोड़ी राहत सहायता बगैर कुसा चिर दे तौले पुज्जनी चाइदी ते अधिकारिणं गी निर्देश दित्ते जे प्रभावित लोकें तोड़ी सहायता पुजाने च म्हेशा गै तुरत कार्रवाई होनी चाइदी।

<><><><><><>

Sonamarg

बर्फ शा ढकोई दियें पहाड़ियें शा लेइयै जोश ते उत्साह कन्नै भरोची दिएं प्रतियोगिताएं तगर सोनमर्ग च शुरू होए दे अपनी किस्म दा पैहला बर्फू च खेड्डे जाने आहला स्नो स्पोर्ट्स फेस्टिवल स्यालू आहिलियें खेड्डें, एकता ते नौजोआनें बश्कार बड़े मते उत्साह दी झलक पेश करा'रदा ऐ। सोनमर्ग दिएं उच्चियें पहाड़ियें उप्पर अज्ज शुरू होए दे इस खेड्डे उत्सव च खडारियें स्यालू आहिलियें खेड्डें जियां फुटबॉल, क्रिकेट, वॉलीबॉल, स्नोशू रस्सीकशी खो-खो ते कबड्डी जनेई खेड्डें दा लुत्फ लैता। इस उत्सव दा आयोजन युवा सेवा ते खेड्डे विभाग नै जम्मू-कश्मीर स्पोर्ट्स काउंसल दी सांझ भ्याली कन्नै कीता हा।



Snow Marathon

डोडा जिला प्रशासन नै भारती सेना दी चौथी राश्ट्री राइफल्स ते भद्रवाह विकास प्राधिकरण दी सांझ-भ्याली कन्नै अज्ज स्त्रो मैराथॉन शहीदें दे चेते च द्रौड़ दा सरिस्ता कीता। भद्रवाह दी चिंता शा जय घाटी तगर 5 किलोमीटर लम्मी इस द्रौड़ दा उद्देश्य, शहीदें दे सम्मान च द्रौड़ना ते देशभक्ति दी भावना गी पैदा करना हा। एह्दा विशे हा “Feel the snow. Feel the pride”. इस द्रौड़ च हिस्सा लैने आहलें गी मेडल, सर्टिफिकेट ते ईनाम बंडे गए।



Floriculture

बागवानी स्कीम मिशन तैहत रामबन दा बागवानी विभाग सजावटी बूहूअे ते फुल्लें दी पैदावार सरबन्धी राई-बाई गी बड़ी मती तवज्जो देआ'रदा ऐ। इनें प्रोग्रामें दा मकसद पारम्परिक राईबाई शा हट्टियें उच्च मूल्ल आहली फुल्लें दी पैदावार कराइयै करसानें दा आर्थिक विकास करना ऐ। इस पैहलकदमी तैहत करसानें गी मुफ्त हाइब्रिड बी देना, उनेंगी एह्दे तैहत लोड़चदी सिखलाई ते कीटनाशकें बारै जानकारी उपलब्ध कराई जा'रदी ऐ। सजावटी फूल्ल-बूहूअें आहली नर्सरियें च लौह्के बूहूटे शा लेइयै घरै दी सजावट आहले बक्ख-बक्ख उच्च म्यार आहले बूहूअे उपलब्ध हुं'दे ना। एह्दे बारै होर मती जानकारी कन्नै रामबन दे अतिरिक्त बागवानी अधिकारी पवन कुमार होरें दस्सेआ



Weather

मौसम विभाग नै सोमवारें आखेआ ऐ जे जम्मू-कश्मीर च 26 फरवरी तोड़ी मौसम आमतौरा पर खुश्क रौह्ग ते इस दरान ज्यादा बर्फबारी ते बरखा पौने दी मेद नेई ऐ। उच्चे इलाकें च कुसा-कुसा थाहर पर थोड़े चिरें आस्तै हल्की बर्फबारी होई सकदी ऐ। कल बी किश पहाड़ी इलाकें च हल्की बर्फबारी दी मेद ऐ। इनें इलाकें च रौह्ने

आहलें ते यात्रुएं गी सलाह दित्ती जंदी ऐ जे ओहू मकामी मौसम सरबंधी जानकारी रक्खन। मती जानकारी कन्नै
मौसम विभाग दे निदेश मुख्तार अहमद होर

<><><><><><>